

La Quotidiana 11-11-2016, p. 18

17.25 CUNTRASTS SIN SRF 1

Vanescha – «Pli gitg ch'ins stat e pli gitg ch'ins stess»

En memoria dad Eligi Derungs 1950-2016 mussan ils «Cuntrasts» in da ses films da l'onn 2012.



Eligi Derungs aveva in dun per tschiffar pitschens muments filmics che restan, pitschnas scenas che raquintan las istorgias las pli principalas da la vita, scenas che van a cor. Sco las istorgias che capitán a Vanescha – ina culegna isolada entadim la Val Lumnezia. Sur in onn ha Eligi Derungs adina puspè filmà quest lieu solitari. Ed era sche nagin n'abitescha qua sur onn, viva Vanescha.